



BOSNIA AND HERZEGOVINA  
MINISTRY OF COMMUNICATIONS AND TRANSPORT



Broj: UP1:01-50-2-920-3/24  
Sarajevo, 07.03.2024. godine

Na osnovu člana 26. stav (4) Zakona o slobodi pristupa informacijama u Bosni i Hercegovini („Službeni glasnik BiH“, br. 28/00, 45/06, 102/09, 62/11, 100/13 i 61/23), a u vezi sa članom 193. Zakona o upravnom postupku („Službeni glasnik BiH“, br. 29/02, 12/04, 88/07, 93/09, 41/13 i 53/16), rješavajući po zahtjevu prijevoznika „Prevoz putnika“ d. o. o. Zavidovići za slobodu pristupa informacijama od 19. 2. 2024. godine, šefica Kabineta - savjetnik ministra komunikacija i prometa Bosne i Hercegovine, po ovlaštenju ministra komunikacija i prometa Bosne i Hercegovine broj 04-07-2-371/23 od 9. 2. 2023. godine, donosi

**RJEŠENJE**  
**o slobodi pristupa informacijama**

Prijevozniku „Prevoz putnika“ d. o. o. Zavidovići odobrava se pristup informacijama po zahtjevu od 19. 2. 2024. godine.

**O b r a z l o ž e n j e**

Prijevoznik „Prevoz putnika“ d. o. o. Zavidovići obratio se 19. 2. 2024. godine Ministarstvu komunikacija i prometa Bosne i Hercegovine (u daljnjem tekstu: Ministarstvo) zahtjevom za slobodu pristupa informacijama u skladu sa odredbama Zakona o slobodi pristupa informacijama u Bosni i Hercegovini („Službeni glasnik BiH“, br. 28/02, 45/06, 102/09, 62/11 i 100/13, u daljnjem tekstu: Zakon).

U zahtjevu je navedeno da se traži pristup informacijama, odnosno *dostava kopija sljedeće dokumentacije*: - *dozvola/dopusnica/licenca za „Kantić Line“ d. o. o. Tešanj na međunarodnim autobuskim linijama od 2020. godine do podnošenja zahtjeva a koje u redu vožnje imaju predviđeno zaustavljanje na autobuskoj stanici u Zenici*; - *red vožnje, cjenovnik te intinerer predmetne međunarodne autobusne linije*.

Uvidom u zahtjev Ministarstvo je utvrdilo da je zahtjev podnesen u skladu sa članom 23. stav (2), međutim iz njega nije vidljivo na koje se tačno informacije odnosi, tačnije da li podnositelj zahtjeva ispunjava uvjete iz stava (3) člana 23. Zakona, jer podnositelj zahtjeva nije naveo podatke koji su važni za prepoznavanje tražene informacije.

Iz tih je razloga Ministarstvo putem e-maila aktom broj UP1:01-50-2-920-1/24 od 20. 2. 2024. godine od podnosioca zahtjeva zatražilo ispravku predmetnog zahtjeva, odnosno njegovu dopunu podacima koji su važni za prepoznavanje traženih informacija.

U svom odgovoru je podnositelj zahtjeva putem e-maila 4. 3. 2024. godine tražio dostavu kopije sljedeće dokumentacije: - dozvolu broj 05983 na Kantić Line d. o. o. Tešanj sa Općim uvjetima, (oznaka u Registru: 203-D-1); - red vožnje za međunarodnu autobusnu liniju Istočno Sarajevo – Frankfurt; - intinerer međunarodne linije Istočno Sarajevo - Frankfurt od 25. 7. 2018. godine; - red vožnje za međunarodnu autobusnu liniju Zavidovići - Frankfurt (oznaka u Registru: 219-D-2); - red vožnje za međunarodnu autobusnu liniju Sarajevo - Aachen (oznaka u Registru: 245-D-1); red vožnje za međunarodnu autobusnu liniju Sarajevo - Aachen (oznaka u Registru: 246-D-1); eventualno i drugu dokumentaciju ukoliko navedeni prijevoznik posjeduje neke druge linije u međunarodnom saobraćaju.

Postupajući po predmetnom zahtjevu, Ministarstvo je, u skladu sa članom 26. stav (1) Zakona i Vodiča o slobodi pristupa informacijama broj: 01-04-50-2-3460/12 od 28. 5. 2012. godine, poduzelo sve potrebne radnje kako bi prikupilo tražene informacije i razmotrilo sve činjenice i okolnosti koje su značajne za obradu predmetnog zahtjeva.

S tim u vezi, u skladu sa članom 22. stav (4) Zakona, odobrava se pristup traženim informacijama. Kako je broj stranica tražene dokumentacije manji od 20, ona se, kao prilog ovog rješenja, u smislu člana 24. Zakona, besplatno dostavlja podnosiocu. U skladu sa navedenim, odlučeno je kao u dispozitivu ovoga rješenja.

**Uputstvo o pravnom lijeku:** Protiv ovog rješenja dozvoljena je žalba Žalbenom vijeću pri Vijeću ministara Bosne i Hercegovine u roku od 15 dana od dana njegovog prijema.

U slučaju da podnositeljica zahtjeva nije zadovoljna postupanjem ovog organa, ima pravo obraćanja Ombudsmenu za ljudska prava Bosne i Hercegovine, Akademika Jovana Surutke 13, 78 000 Banja Luka.



**Prilog:** kao u tekstu

**Dostavljeno:**

- „Prevoz putnika“ d. o. o. Zavidovići, Omladinsko naselje bb, 72 220 Zavidovići;
- spis predmeta;
- a/a.